

融靈大和尚事略

# 嚴莊律淨

戒海澄明  
行願娑婆



淨業圓滿  
神歸安養

2003年攝於大嶼山觀音寺

## 觀音堂上第二代住持上融下靈大和尚事略

師諱貞山，字融靈，系出曹洞正宗雪庭法派華嚴嶺分支，嗣法臨濟得名智成，受金剛光明寶戒得名為如。

察哈爾省蔚縣（今屬河北省）城北黃家莊人氏，俗姓宋，學名林坡，生於民國十三年（一九二四）歲次甲子六月二十六日寅時。父名昌發，母郭氏。師三歲時，舉家遷往暖泉縣。十歲喪母，未幾父亦上五台山華嚴嶺法雲寺依澗栖老和尚出家，法名淳義，字照空。師乃由祖母劉氏教養，幼具慧根，善芽早萌。

己卯年（一九三九）冬十一月十七日彌陀聖誕，師十六歲，乃投山西省應縣龍首山岫雲寺禮父師照空上人披剃，並隨師伯淳光、淳明二老人課誦習經，道念堅定。因得閱大師伯照通上人留存寺內之一部《印光法師文鈔》，嘆未曾有，立願歸心淨土。

壬午年（一九四二）夏，於山西省天鎮縣慈雲寺悉知律師座下圓受具戒。期滿回寺禮謝後，即於應縣城中義井念佛堂（碧山下院）靜修。同年秋，往山陰縣東辛



寨龍泉寺參加三壇戒期，掛引禮號，親近壽冶、本幻、淨如三位長老。時淨如長老常於應縣佛宮寺釋迦塔宣講《金剛經》、《藥師經》、《普門品》，師往聽受，並任講期待者。

甲申年（一九四四）夏，師二十一歲，乃上五台山十方碧山寺（廣濟茅蓬）安居，繼續親炙壽冶、本幻、淨如三位長老，入冬禪堂打七，蒙班首聖志堂主提携，德業日進。

乙酉年（一九四五）春正月，隨壽冶長老赴北京（時稱北平）應千僧齋供，及參加玄奘大師頂骨舍利於北海團城靈塔奉安典禮，遂留京參學。曾於西城彌勒院謁禮真空禪師、極樂庵謁禮寶一長老等，後於東城安養精舍法界學苑親近慈舟律師，游心戒海，法喜充滿。

丙戌年（一九四六）秋，隨首座體敬長老赴天津居士林打佛七。同年冬，隨體老一行十八人先乘船南下上海，再溯長江到湖北省武昌市，掛單正覺寺，依止方丈體老持律，戒行冰清，並聽明觀長老宣講《金剛經》，甚得受用。

戊子年（一九四八）冬十一月，師二十五歲，隨本幻、明觀二長老乘火車南下赴

廣東省曲江曹溪南華寺，由代方丈靈源長老及大知客惟因法師接待，並步行到乳源雲門山大覺寺謁禮虛雲老和尚。後本幻長老承虛老咐囑南華丈席，接法陞座，更名本煥。師亦入住學戒堂，親近本老，被請為書記，任丈室頭單衣鉢。

己丑年（一九四九）春，南華寺傳三壇大戒，虛老為得戒，由本老開堂，師任八單引禮。期間並同本老等再增受戒品。四月初八日戒期圓滿，師乃燃燈供佛，護念道心。同年夏，隨講師慧僧長老先赴廣州，於六榕寺謁禮住持明觀長老。後與同參明真法師自廣州乘火車赴香港，時局多艱，竟然兩日才能抵達。於沙田下車，再轉公車到荃灣，逕上千佛山東普陀寺掛單，親近方丈茂峰長老。五月初八日，時值東普陀寺圓通寶殿重修落成開光大典，禮請虛雲老和尚蒞臨，與禪定、倓虛、定西三長老共同主法，師任知客，兼於午齋行堂。同年秋，移住青山覺蔭園。同年冬，師與同參暢懷法師等隨成元法師乘船轉赴泰國參禮聖跡，於曼谷龍蓮寺掛單時，得遇海山長老。

庚寅年（一九五零）春正月，師返香港，仍住東普陀寺。後移住青山鄧氏別墅，依止法界茅蓬體敬長老過夏。同年秋八月，再與暢懷法師上大嶼山昂平寶蓮寺掛



單，親近方丈筏可長老。期間昂平蓮池寺遠參長老、鹿湖三寶殿海仁長老曾開講席，師皆前往聽講。後與同參隆平法師於鹿湖隱廬靜修。

辛卯年（一九五一）春，師二十八歲，得聞海山長老已回港，現拄錫於薑山觀音廟，倡辦華嚴道場，誦《華嚴經》，打華嚴七，師遂前往親近海老。觀音廟原稱蓬瀛古洞，屬先天道，由葉善開（東姑）始建於前清宣統二年（一九一零），為大嶼山最早之淨室。今因當家歐陽覺蓮（蓉姑）皈依佛教，禮請海山長老為改制後第一任住持，領眾薰修。值此勝緣，師遂於薑山安單。同年夏，九龍志蓮淨苑禮請顯慈長老宣講《圓覺經》，師乃往聽，時倫參法師為維那。期間顯老傳授宗門金剛光明寶戒，師與初慧、聖一二法師同受戒法，得名為如，而初師名為恆、聖師名為定。

壬辰年（一九五二），蔡兆垣居士發起重修殿宇，正名為觀音殿，並募雕一尊約五米高之十一面千手千眼觀世音菩薩聖像供奉。師因患肺疾，遂山居靜養，精進用工，並承海山長老請為監院，襄理寺務，廣結善緣。

庚子年（一九六零）秋九月，師三十七歲，前往昂平寶蓮寺參加三壇戒會，任引

禮。自此三年一期，師必預會。

辛丑年（一九六一），洗塵、優曇、寶燈、大光、金山等法師發起籌組香港佛教僧伽聯合會，師乃參加。後於甲寅年亦被選為董事，自此服務教界，以至耄耋。癸卯年（一九六三）秋七月十五日，屯門妙法寺洗塵法師舉辦香港開埠以來首次千僧大齋，師陪同海山長老前往應供，並亦協助法務。八月二十三日，海老圓寂，全身坐缸塔於香港佛教墳場，師為次第操辦後事。

甲辰年（一九六四）冬十一月，師隨香港佛教僧伽聯合會訪問團一行十七人，前往印度鹿野苑參加第七屆世界佛教友誼大會之便，順道訪問東南亞佛教國家。先赴泰國曼谷、次往馬來西亞檳城及吉隆坡、再到星加坡、後經錫蘭、方抵印度。會後朝禮佛陀各大聖跡，期間於那爛陀中華寺蒙福金喇嘛贈送舍利弗、目犍連二尊者之舍利。回程則赴緬甸仰光大金塔朝禮。

乙巳年（一九六五）夏，師四十二歲，諸山長老推舉為薑山觀音殿第二任住持，於四月二十五日陞座，由寶蓮寺方丈筏可長老親臨送位。自此為法為人，從不言倦。同年冬，越南西貢華嚴寺方丈壽冶長老第二次傳授三壇大戒，師乃前往參加，



請為副訓陪堂。

丙午年（一九六六），鑑於觀音殿之樓宇狹小，早已不敷應用，師乃發起增修新殿及寮房，禮請明觀長老主持動土儀式。同年夏，師為黃氏女剃度，取法名素常，字妙修，並授沙彌尼戒。此為師首次剃度女眾弟子，自後絡繹乃有人趨座求度。己酉年（一九六九）秋，香港佛教僧伽聯合會會長洗塵法師等創辦能仁書院，自任校監，師則鼎力護持，後亦被選為校董，此乃香港漢傳佛教興辦之首間正規專上院校。同年冬，台灣基隆十方大覺寺方丈靈源長老傳授三壇大戒，師乃代表壽冶長老前往參加，請為尊證阿闍梨。

庚戌年（一九七零）夏四月初八日，師四十七歲，新殿圓工落成，乃禮請筏可大和尚等諸山長老聯合開光，並正式改觀音殿為觀音寺。期間由王碧山居士等十人合供發起梁皇法會七日，頂禮《梁皇寶懺》，從此成為常住定例，延續至今。並自十六日起，倡行結夏，集眾安居，三月禁足，九旬辦道，禮請同參道海法師講律、心明法師教唱念。連辦九屆，至己未年師得風疾而止。同年冬，師應信眾邀請，第二次前往馬來西亞弘化。



辛亥年（一九七二）秋，香港佛教僧伽聯合會會長洗塵法師於荃灣弘法精舍（原華南學佛院）創辦第一屆剃度傳法大會，首開香港漢傳短期出家之例，影響頗鉅。一連八屆，師皆應請為正訓開堂，威儀攝眾，感人至深。

壬子年（一九七二）春正月初七日始，由性融尼師等發起，師乃主辦楞嚴法會七日，依《楞嚴經》，結楞嚴壇，持誦神咒。從此亦成為常住定例，延續至今。同年，師承香港佛教聯合會會長覺光法師之邀，聘為第十九屆董事。自後連任，直至退休。並亦參加佛聯會一年一度籌募善款之清明思親法會，協助法務。同年秋，師於寶蓮戒壇初識前來求受在家菩薩戒之馬來西亞廖柳嬋居士。同年冬，師即應邀第三次前往馬來西亞弘化，於吉隆坡朱晴溪路設立佛堂，攝受皈依弟子。自此，師每年冬必定赴馬一行，以至庚寅年止。

甲寅年（一九七四）春二月，師前往馬來西亞，為吉隆坡南郊蕉賴鎮覓得籌建精舍之地段，主持灑淨動土。同年夏，師為鄧氏子剃度，取法名素明，字妙光，並授沙彌戒。此為師首次剃度男眾弟子，自後亦陸續有行者趨座求度。同年冬，師乃親送其前往台灣台中霧峰萬佛寺求受大戒。

乙卯年（一九七五）夏安居，師倡印慈舟律師之《毘尼作持要錄》，並禮請道海法師為眾宣講。

丙辰年（一九七六）秋閏八月十六日，師代表壽冶長老前往馬來西亞，參加金馬崙三寶萬佛寺重建開光大典。之後，赴吉隆坡，因精舍已告落成，師乃創為淨土道場，額曰：妙緣蓮社。

丁巳年（一九七七）秋九月，馬來西亞廖柳嬋居士等六人發心出家，乃上觀音寺求師剃度，為取名妙緣等。同年冬，師亦親送彼等一行前往台灣高雄佛光山寺求受大戒。

戊午年（一九七八）冬十月十九日，師赴馬來西亞吉隆坡，與金明、鏡龕、伯圓、寂晃、明智、覺斌等法師，為妙緣蓮社舉行開光典禮。隨即起彌陀佛七一期，同修淨業。從此乃成常住定例，延續至今。

己未年（一九七九）夏安居期間，師五十六歲，因操勞過甚，偶染風疾。幸得善加調養，未幾痊癒。

庚申年（一九八零）秋，第十屆剃度傳法大會於屯門妙法寺舉行，師受請為尊證

阿闍梨，直至甲戌年第二十四屆為止。

辛酉年（一九八一）秋九月，師五十八歲，寶蓮寺三壇戒會，陞為尊證阿闍梨。後於甲子年、丁卯年連任。期滿下山，即返廣州，先會見回國朝山之壽冶長老，再與本煥長老重逢，並同登本老現住之丹霞山別傳寺。清秋夜話，彼此分別已三十二年，彷彿隔世，不勝唏噓。師早於戊戌年（一九五八）即謠聞本老已被批鬥致死之訊，每於法會為立往生位回向。直至今春，才由廣州來港之高居士帶傳本老口訊，方知長老尚存人間也。

甲子年（一九八四）秋八月，師六十一歲，重遊北京。先往內蒙古包頭，於華嚴精舍探望親教師淨如長老。次經山西大同，前赴應縣龍首山祖庭，及到小村掃墓，尋找已寂於甲辰年（一九六四）之父師照空上人遺骨。八月十二日南下廣東韶關，再上仁化丹霞山別傳寺謁禮本煥長老。次日晨，並蒙本老傳法，嗣為臨濟宗碧山寺法脈中興第五代，法名智成，請為首座。

庚午年（一九九零）夏五月十九日，師六十七歲，得大檀護李嘉誠先生及胡仙女士等襄助善款、宏勳尼師整體設計，師乃發起將舊殿全部重建，正式動土。同年



秋九月，寶蓮寺三壇戒會，師陞為教授阿闍梨。後於癸酉年、丙子年、己卯年、壬午年及乙酉年皆連任。

壬申年冬十二月十一日（一九九三年一月三日），師七十歲，三寶大殿（頂層萬佛閣、中層藏經樓、底層觀音殿）、方丈、客堂、齋堂、禪堂、鐘樓、鼓樓、香積廚等重建落成，師乃恭請覺光、本煥、真禪、廣修、聖一、初慧、心明、真華、永惺、暢懷、智慧法師等諸山長老聯合舉行開光典禮，海眾雲集，極一時之盛。癸酉年（一九九三）冬十二月，觀音寺與佛教青年協會合辦第一屆八關齋戒法會五日，請師宣戒。從此成為定例，年年舉行，持續至今。

甲戌年（一九九四）春三月，觀音寺再與佛教明慧服務中心合辦第一屆八關齋戒法會三日，請師宣戒。從此亦成為定例，年年舉行，持續至今。

自後，師法緣日隆，經常應請前往香港、台灣、星馬及美加等地道場，參加法會，廣弘佛化，不贅。

甲申年（二零零四）冬十一月，師八十一歲，星加坡福海禪寺傳授三壇大戒，師受請為尊證阿闍梨。

乙酉年（二零零五）秋九月，寶蓮寺傳授三壇大戒，師仍受請為教授阿闍梨。

丙戌年（二零零六）冬十月，廣東深圳弘法寺本煥長老百歲期頤壽慶傳授三壇大戒，師乃專程前趨祝賀，並受請為尊證阿闍梨。

己丑年（二零零九）春三月，荃灣西方寺傳授三壇大戒，師亦受請為尊證阿闍梨。

壬辰年（二零一二）春三月十二日（新曆四月二日），本煥長老以百零六歲圓寂於廣東深圳弘法寺。三月十五日（新曆四月五日），師乃前往致祭，並為說法起龕，恭送雲程。

癸巳年（二零一三）夏六月二十六日，海內外四眾弟子於觀音寺為師慶祝九十嵩壽，並印製師早年手書之《八十八佛大懺悔文》，贈送諸方，以結法緣。

甲午年（二零一四）秋九月，師九十一歲，寶蓮寺傳授三壇大戒，師受請為羯摩阿闍梨。

以上所記，乃師之法行瑩瑩大者，用誌盛德。舉凡港九新界大小佛事，以至台灣星馬等地重大活動，師亦必隨喜參加，未遑盡述。

佛門網 buddhistdoor

師道心淳厚，樸實無華，嚴持禁戒，清淨無瑕。遇事莊敬，誨人不倦，四眾欽崇，桃李滿門。剃度依止弟子五十餘人，皈戒信眾則不計其數。尤以觀音寺之皈信弟子眾等，承師教示，早已成立福田組，歷年以來，定期於七月十五佛歡喜日舉辦供僧法會，全山送供，甚而遠至國內外各處名山供養道場，廣結勝緣，同報四恩。不定期舉辦海上放生、三步一拜朝山等法會，廣宣佛化，普皆回向。凡此皆是師教慈訓，未敢或忘，均能禮敬三寶，遵行至今。


佛門網 buddhistdoor

師歲近高齡，仍然領眾，上殿過堂，半月布薩。日以誦《金剛經》、《藥師經》、《普門品》、《行願品》及念佛為課。以身示則，不愧為叢林楷模、古德風範。世緣已盡，功德圓滿，師乃於西元二零二二年十一月十日（歲次壬寅十月十七日）申時安詳示寂。世壽九十九歲，僧臘八十四冬，戒臘八十一夏，法臘三十九秋。寂靜安然，典範常存，具信而往，堪供後話，乘願再來，定必可期。

佛門網 buddhistdoor

沐恩弟子 妙光、妙思、妙忠 恭錄





慈雲戒牒



碧山法卷



1949 年於曹溪南華寺戒期圓滿

(前排左起：泉慧、惟因、虛雲老和尚、本煥、師)



(左起：了知、海山老和尚、師)





1965年四月二十五日大嶼山觀音寺陞座（筏可大和尚送座）



1984年八月十三日於丹霞山別傳寺接本煥老和尚法






1970年觀音寺首屆夏安居(師居中，右為道海法師、左為心明法師)



1978年馬來西亞妙緣蓮社開光典禮

大典光開陞崇薩菩佛諸建重寺音觀山嶼大  
念紀照合士居法護老長山諸台中港

日三月一年三九九一曆公日一十月二十申壬次歲年六三二曆佛







2008年十二月觀音寺八關齋戒會（師右為暢懷法師）



2015年七月十五佛歡喜日觀音寺福田組供僧法會







2013年六月二十六日師九十嵩壽於觀音寺丈室





2016年5月1日攝於鑽石山志蓮淨苑



